


毅齋詩集別錄

圖書分類法

毅齋詩集
別錄

宛委別藏鈔本

故宮博物院委託
商務印書館景印
原書葉心萬二十
公公寬十三公分



毅齋詩集別錄序

文所以載道文不載道則雖蠶絲牛毛無補於世文而足以載道雖殘編斷簡不可廢也興先世文清公號毅齋嘗從東萊晦庵相與倡道於婺其所著作有讀易記讀詩記詠文集雜說等書以之格君心淑後學羽翼吾道有補於世教也尚矣故黃文獻公爲作公傳必重稱其著作以其文之足以載道也奈何世久人微家無全冊僅有雜說數卷成化丁酉興受業於齊山允達王先生之門復得先正忠文公所藏毅

齊文集一十卷幾欲鋟梓區區屢困塲屋夜雨燈窓
之累莫之暇及宏治壬戌口意遭回祿而前集煨燼
可勝惜哉尚幸是錄存於別館雖其言發於即事即
物之微其著作大旨固不在是然其咏嘆淫佚適性
情之正得理趣之真殆與濂洛玉淵金井志慮高潔
托興吟風沖然自得者同一胃次也雖曰別錄然公
之所以爲全書者即此可知矣傳謂觀水於濶觀日
月於容光之隙其斯之謂歟是用鋟梓以爲四方求
觀聖賢之道者之一助其勿以別錄視別錄而以全

書視別錄以吾道視別錄可也是爲序

正德辛未十二月既望十一世孫興拜手書

穀齋詩集別錄

雲山歌

雲山窈兮風微山徑繚兮雲依蘭馨兮晨晞松樛兮
夕暉有禽消搖其間兮不去飛俛啄兮薌薇昂吟兮
綠筠枝春與鼉騰兮秋鶯與啼希鸞鵠兮志亦幾絕
樊弋兮隨所棲空碧臨臨兮山四圍泉咽咽兮流以
時寧易地兮類若箕與世相忘兮幽人期山雖高兮
步坦夷雲雖深兮光陸離冒洞洞兮陶然以怡祇天
命兮安厥宜

行行歌

行行兮何之郊之疇兮山之徑畊藝兮雨晴樵牧兮
昕暝室廬兮其倫老稚兮其性負者蹇兮趨者勁役
而歌兮遊以詠機杼兮國資雞犬兮家政草萋萋其
青兮木蔚蔚其盛吭林鳴兮尾川泳空雲騰兮月出
嶺威之霜兮風以令胡然而然兮森森兮天之命職
我其間兮毋不敬

常自在歌 因讀白樂天無可奈何歌

常自在常自歌莫受物觸隨變改心常澄太虛冒常

涵滄海志常明秋霜氣常融春靄常自在常自在莫
或欺心旋遮蓋此心常與天地通日月神明環內外
萬物森森在吾下我自小之自傷害常自在常自在
詩書樂處安精神道義合時行身世貧何足嗟賤何
口慨富何足淫貴何足泰靜惟飭身而無愧動惟利
口而盡愛常自在常自在此外何求哉有時詩一篇
有時酒一杯庭花野草爲賓友清風明月相追陪陶
吾真兮適吾性常自在常自在何處有愁來

次陳和仲惠雲山歌韻

幽人尋坦道爲言柔履剛所利在艱正未取馬逐良
雲山坐深窈無人蘭自芳青青松與竹障暑拒雪霜
人跡所罕到亶爲煙雲鄉老我志彫落髮蒼而視茫
懷哉此邱壑閑蹤寄穰穰人事輒徃復世慮忘暄涼
書數種琴一張竹布充野服筇杖替游繯生來坦率
得自遂客至嘲誚庸何傷非故逃名甘寂寂攻嫌助
長病茫茫君詩明澹起予意留取伴我山中藏

鶯兮歌

鶯兮鶯兮載好音羽毛自珍兮藏山林春出依柳兮

秋隱林深邱隅有木兮游知所止
睨睨求友兮期遠
匪比出處有度兮觀者爲儀溫
乎其聲和兮聽者心夷
鶯兮□其禽乎其禽之君子歎

鶯兮歌

燕兮燕兮頡頏于飛語呢喃兮
聲哲支居慕賢兮身緇衣高明
依棲兮王謝儕其主去來有節
兮春秋兮其旅良時賡歌兮對爾
吟哦清燕論文兮聆爾話語
燕兮燕兮其禽乎其禽之嘉賓歟

樵夫行

晨征已輸行者早紛來歛避樵夫道樵夫辛苦刈樵
歸昏莫結束更起炊夜半出門星月暗崎嶇露草寒
濡衣入市博得升合糧歸來分與妻兒嘗依前剝剝
上山去不住朝朝莫莫忙樵夫樵夫休懊惱世路艱
難勤亦好蝗蟲四起米價高怜汝飢勞我未飽我苦
閑愁雪滿顛烹葵煮藜過年年夜枕欹傾半眠醒或
起浩歎窺星天逢人說事只憂國長哀無告窮已極
天下好弊紛如麻虎狼搏攫殫麋鹿愁眠忍餓不敢
出羸瘠膏髓堪推搥冤氣干天天垂災連年禾稼同

枯菱斯人每恨不速死樵夫縱苦未及此安得人仁
公且剛一掃蠹螫完民瘡感動和氣時覆斗樵夫飽
食我醉酒待與樵夫齊高歌昔談王道今如何

舟溪吟

舟溪羣山俱有情禹昂環列如逢迎東出雙秀高沖
天推先兩峯當我前二水南來炯相顧合流于西疑
欲住成此溪山一段清中有一園十畝平著我翛然
數間屋遠屋但栽竹與菊扶杖行舒景物娛開卷坐
對聖賢讀嗟余貌焉天地間居然分得此清閑毋餒

浩然有以老也應不負爾溪山

和邵康節蒼蒼吟

穹窿莫計幾層蒼
遼遠難輸九曲腸
七曜運空機不斷
百川流下礙無妨
千林松柏獨堅正
一草薰蕕異臭香
祥戾毛羣若麟獍
愛憎羽族類鴉凰
最宜春風與秋月
忽作冬雷或夏霜
萬變雜興雖錯糅
一元不動固安詳

張家渡買魚

北堂老人性嗜魚
有魚一飯空無餘
行水登舟喜動

色幾月乃得三四食溪涸舟膠挽不去舍舟行行溪
上路路入茅舍惟一翁網挂壁頭兒負春問之有底
不出漁水動魚藏溪作風強之不能許觴醪翁爲持
網兒持篙扶艇過臨叢藻岸踏竹下網屢成漫忽然
得鯉僅如掌翁笑官有福可仗我舟猶在極目涯乃
坐其艇與之往烹魚一開慈顏驩膠舟旋亦辭涸灘
兩日舟移無十里吁嗟有此行路難漁翁飲酒得錢
去一葉如飛烟水暮

送施持正司理解官